

RANERIUS ZENUS⁹⁵ DUX XXXV.

Creatus die 25. Ianuarii Anno 1252. obiit Anno 1268.

VETVS ELOGIVM.

Ex Acre pulsos Genuenses dat Mare victos.



Enetiis Roma refurgit; & in eam, Ianuæ refloret Carthago. Hic multos Annibales; ibi plures Scipiones, quorum unus Ranerius Zenus. Bis iste merito, ac suffragio Princeps, nihil Fortunæ intulit in thronum, à quâ post obitum Theupoli prohibitus, scandit tandem virtute. Ex Firmanæ Urbis præturâ, ad thronum vocatus, Venetias descendit quatuor stipatus triremibus, Marco comitante Ziano. Sub hoc Principe Ecelini deleta propago; ne in domo nefariâ scelera renovarentur, & vindictæ. Levis inde causâ cum duas potentissimas nationes in apertum concitasset; odium tandem Ligurum erupit, & invidia adversus Venetam Maiestatem. Tyri & Ptolemaide cum Forum, Curiam, Ædes possiderent Veneti, testimonia per eos *Syriæ Redemptæ*, & nihil cum Ligure tenerent commune præter templa; de cænobio S. Sabbæ exorta
con-